



Llywodraeth Cymru
Welsh Government

Pecyn gwybodaeth i ymgeiswyr

Trafnidiaeth Cymru

**Penodi
Cadeirydd Anweithredol**

Dyddiad cau: 05/10/2018

Cynnwys

Tudalen 3: Gwneud Cais

Atodiad A: Rôl a chyfrifoldebau Trafnidiaeth Cymru

Atodiad B: Rôl Cadeirydd Anweithredol

Atodiad C: Y broses ddethol

Gwneud cais

Diolch am fynegi diddordeb mewn cael eich penodi'n Gadeirydd Anweithredol Bwrdd Trafnidiaeth Cymru. Rhaid i Trafnidiaeth Cymru gael ei arwain gan fwrdd effeithiol sy'n gyfrifol ar y cyd am lwyddiant hirdymor y Cwmni. Rôl y Cadeirydd Anweithredol (y 'Cadeirydd') fydd arwain Bwrdd Trafnidiaeth Cymru a sicrhau ei fod yn cyflawni pob agwedd ar ei rôl yn effeithiol. Mae'r Atodiadau sydd ynghlwm yn rhoi manylion ynghylch rôl a chyfrifoldebau Trafnidiaeth Cymru, rôl y Cadeirydd, manyleb y person a'r broses ddethol.

I wneud cais, ewch i [wefan penodiadau cyhoeddus Llywodraeth Cymru](#).

I wneud cais am y rôl hon, cliciwch ar y swydd wag ac yna cliciwch ar y botwm 'Gwneud cais' ar waelod y dudalen ar yr ochr chwith. Y tro cyntaf ichi wneud cais am swydd, bydd angen ichi llenwi ffurflen gofrestru ar gyfer system ceisiadau ar-lein Llywodraeth Cymru. Dim ond unwaith y bydd angen ichi gofrestru, a thrwy wneud hynny, byddwch yn gallu dilyn hynt eich cais, ac unrhyw geisiadau eraill y byddwch yn eu gwneud, drwy'ch cyfrif cofrestredig.

Ar ôl cofrestru, bydd y ffurflen gais ar gael ichi ei llenwi. I wneud cais, bydd angen ichi lanlwytho datganiad personol a CV i'r adran 'Rhesymau dros wneud cais' ar y ffurflen gais ar-lein.

Datganiad Personol

Y datganiad personol yw'ch cyfle chi i ddangos sut yr ydych yn bodloni pob un o'r gofynion a ddisgrifir ym manyleb y person. Mater i chi yw penderfynu sut i gyflwyno'r wybodaeth. Fodd bynnag, dylech anelu at ddarparu enghreifftiau manwl sy'n dangos sut y mae'ch gwybodaeth a'ch profiadau chi yn cyd-fynd â phob maen prawf. Dylech hefyd ddisgrifio pa ran y gwnaethoch chi ei chwarae wrth gyflawni canlyniad penodol. Bydd hefyd o fudd i'r panel dethol os gallwch nodi'n glir pa dystiolaeth benodol sy'n berthnasol i ba faen prawf. Mae rhoi paragraffau ar wahân ar gyfer pob maen prawf yn arfer gyffredin.

Ni ddylai'ch datganiad personol fod yn fwy na dwy dudalen A4. Mae'n bosibl y caiff eich cais ei wrthod os ewch chi dros y terfyn hwnnw.

CV

Sicrhewch fod eich CV yn cynnwys manylion cryno eich rôl bresennol neu ddiweddaraf, a'r dyddiadau yr oeddech yn ymgymryd â'r rôl honno. Nodwch unrhyw benodiadau Gweinidogol sydd gennych ar hyn o bryd neu a fu gennych yn y gorffennol.

Datganiad am Amrywiaeth

Mae Llywodraeth Cymru yn credu y dylai aelodau byrddau cyrff cyhoeddus adlewyrchu cymdeithas yng Nghymru – pobl o bob cefndir – i'w helpu i ddeall anghenion pobl a gwneud penderfyniadau gwell. Dyna pam mae Llywodraeth Cymru yn annog ystod eang ac amrywiol o unigolion i ymgeisio am benodiadau i gyrff cyhoeddus. Rydym yn croesawu yn arbennig geisiadau gan bob grŵp heb gynrychiolaeth ddigonol gan gynnwys menywod, pobl dan 30 oed, pobl dduon, Asiaidd ac o leiafrifoedd ethnig, pobl anabl a phobl lesbiaidd, hoyw, deurywiol a thrawsrywiol.

Cynllun Gwarantu Cyfweliad – Yn Gadarn o Blaid Pobl Anabl

Mae Llywodraeth Cymru yn gweithredu Cynllun Cadarn o Blaid Pobl Anabl ac yn croesawu ceisiadau gan bobl ag anableddau. Mae'r cynllun hwn yn sicrhau cyfweliad i bobl sydd ag anableddau os byddant yn bodloni gofynion sylfaenol y swydd. Mae'r ffurflen gais hefyd yn eich galluogi i nodi unrhyw anghenion penodol sydd gennych neu offer penodol y gall fod ei angen arnoch os cewch wahoddiad i gael cyfweliad.

Amserlen fras

Dyddiad cau: 05/10/2018
Creu rhestr fer: 12/11/2018
Cynnal cyfweiliadau: 26-27/11/2018

Ffeithiau allweddol am y swydd

Lleoliad: Cymru gyfan
Cydnabyddiaeth ariannol: £425.00 y dydd
Ymrwymiad Amser: 5 niwrnod y mis, yn lleihau ar ôl chwe mis i 3 diwrnod y mis (48 o ddiwrnodau ar gyfer blwyddyn 1, yn lleihau i 36 o ddiwrnodau'r flwyddyn wedi hynny)

Cysylltiadau:

I gael rhagor o wybodaeth am y broses ddethol, cysylltwch â:

Uned Penodiadau Cyhoeddus
E-bost: PenodiadauCyhoeddus@llyw.cymru

I gael rhagor o wybodaeth am rôl Treftadaeth Cymru a rôl y Cadeirydd, cysylltwch â Jenny Lewis:

Ffôn: 0300 025887/ 07966 836393
E-bost: Jenny.Lewis@llyw.cymru

Os oes angen rhagor o gymorth arnoch wrth ichi wneud cais am y rôl hon, cysylltwch ag Uned Penodiadau Cyhoeddus Llywodraeth Cymru drwy anfon e-bost i PenodiadauCyhoeddus@llyw.cymru.

I gael rhagor o wybodaeth am Benodiadau Cyhoeddus yng Nghymru, ewch i www.llyw.cymru/penodiadaucyhoeddus.

Rôl a Chyfrifoldebau Trafnidiaeth Cymru

Y cefndir

Mae'n gyfnod cyffrous i'r sector trafndiaeth yng Nghymru. Nid oes un amheuaeth bod y gwasanaethau a seilwaith trafndiaeth, a'u rôl o ran cysylltu ein cymunedau, ein pobl a'n busnesau â swyddi, cyfleusterau, gwasanaethau a marchnadoedd, yn rhan allweddol o weithredu Rhaglen Lywodraethu Llywodraeth Cymru.

Bydd newidiadau technolegol yn trawsnewid y dirwedd drafndiaeth yn y blynyddoedd nesaf. Mae'n bosiblwydd go iawn y bydd mwy a mwy o bobl yn defnyddio cerbydau trydan. Yn ogystal â thrydaneiddio, bydd trosglwyddo i ddefnyddio cerbydau awtomatig a thrafndiaeth ar gais yn cyflwyno sawl her i'r Llywodraeth o ran llunio polisiâu.

Bydd y technolegau newydd hyn yn gyfleoedd i economi Cymru elwa ar swyddi crefftus newydd. Bydd y ffordd y mae pobl yn defnyddio trafndiaeth yn eu bywydau bob dydd yn newid yn sylweddol dros y ddegawd nesaf ac mae'n rhaid inni fod yn barod am y newidiadau hynny ac i fynd i'r afael â'r heriau polisi y byddwn yn eu hwynebu.

Yn ogystal â'r datblygiadau hyn, bydd hefyd angen inni ganolbwyntio ar y presennol o ran cyflenwi trafndiaeth yng Nghymru. Uchelgais Gweinidogion Cymru yw cyflenwi system drafndiaeth integredig yng Nghymru, gan ddarparu trafndiaeth ddiogel, fforddiadwy a chynaliadwy o ansawdd i bawb; system sy'n cyfrannu at dwf economaidd a llesiant y wlad.

Bydd y setliad datganoledig gwell a gynigir drwy Ddeddf Cymru 2017 yn galluogi Llywodraeth Cymru i sefydlu fframwaith ar gyfer cyflenwi gwasanaethau trafndiaeth a all wella ansawdd, amllder, dibynadwyedd a phrydlondeb y rhwydwaith. Ynghyd â'r Rhaglen Lywodraethu, bydd hyn yn rhoi cyfle inni fynd ati i symbylu newidiadau sylweddol i'r ffordd yr ydym yn deall ac yn defnyddio trafndiaeth yng Nghymru, ac yn buddsoddi ynddi.

Mae Trafnidiaeth Cymru yn gwmni nid er elw sy'n berchen yn gyfan gwbl i Lywodraeth Cymru. Fe'i sefydlwyd yn 2015 i roi cyngor arbenigol ar faterion sy'n ymwneud â thrafndiaeth. Mae hefyd wedi darparu cyngor technegol i alluogi Llywodraeth Cymru i gaffael Partner Gweithredu a Datblygu ar gyfer gwasanaethau rheilffyrdd Cymru a'r Gororau a Metro De Cymru.

Gweledigaeth a Phwrrpas ar gyfer y dyfodol

Dyhead Gweinidogion Cymru ar gyfer Trafnidiaeth Cymru yw ei alluogi i gyflawni amrywiaeth ehangach o swyddogaethau trafndiaeth. Mae Trafnidiaeth Cymru yn trawsnewid o'i statws fel corff cyngori i fod yn asiant cyflenwi gweithredol ar gyfer Gweinidogion Cymru. Mae'r broses o drosglwyddo i'r Partner Gweithredu a Datblygu

newydd wedi dechrau ac mae Trafnidiaeth Cymru yn paratoi i gymryd cyfrifoldeb am weithredu'r rhwydwaith rheilffyrdd ym mis Hydref 2018.

Bydd Trafnidiaeth Cymru yn parhau i ddatblygu ei allu i ddarparu system drafnidiaeth integredig ac effeithiol ar gyfer Cymru, gan gyfrannu'n bositif at yr amcanion a nodau allweddol a nodir yn y Rhaglen Lywodraethu. Mae'r sylfeini bellach yn adlewyrchu mai anghenion teithwyr sydd wrth wraidd proses benderfynu'r Cwmni.

O ran y rheilffyrdd, mae Trafnidiaeth Cymru yn hoelio sylw bellach ar leddfu pryderon am gapasiti seddi, amseroedd teithio, ac amllder gwasanaethau, ac ar sicrhau bod costau tocynnau yn deg ac yn fforddiadwy a bod y trenau'n lân ac o ansawdd.

Drwy gyfuno'r ffordd y caiff y gwasanaethau a'r seilwaith eu darparu, mae Trafnidiaeth Cymru wedi dechrau pennod newydd ar gyfer integreiddio gwasanaethau cyhoeddus ehangach ledled Cymru. Ni oes modd cymharu cwrmpas na maint y Partner Gweithredu a Datblygu a'r masnachfaint bresennol. Mae'n ffordd newydd o weithio a Trafnidiaeth Cymru fydd brand y gwasanaeth. Dyma wasanaeth rheilffyrdd newydd yng Nghymru ar gyfer pobl Cymru ac mae Trafnidiaeth Cymru yn arwain y ffordd o ran darparu trafndiaeth sy'n torri tir newydd ledled y wlad ac yn ardal y Gororau.

Mae Trafnidiaeth Cymru yn ymrwymedig i sicrhau trafndiaeth ddiogel drwy ddarparu gwasanaethau sy'n hoelio sylw ar gwsmeriaid a chynghor arbenigol, a thrwy fuddsoddi yn y seilwaith yn y dyfodol. Mae gwerthoedd ac amcanion strategol y Cwmni yn gadarn ac yn uchelgeisiol, a byddant yn llywio gwasanaethau trafndiaeth yn y dyfodol. Wrth i Trafnidiaeth Cymru ddatblygu yng ngolwg y cyhoedd, rhaid i'w ddulliau cyflenwi barhau i fod yn drawsffurfiol ac yn arloesol, ac i hoelio sylw ar gwsmeriaid.

Bwrdd Trafnidiaeth Cymru

Mae Bwrdd Trafnidiaeth Cymru yn cynnwys; 6 chyfarwyddwr anweithredol a 2 Gyfarwyddwr gweithredol. Caiff y cyfarwyddwyr eu penodi yn unol â Deddf Cwmnïau 2006 ac Erthyglau Cymdeithasu Trafnidiaeth Cymru.

Yn ogystal â phwerau a dyletswyddau'r cyfarwyddwyr a nodir yn Neddf Cwmnïau 2006, Erthyglau Cymdeithasu Trafnidiaeth Cymru, Cod Llywodraethu Corfforaethol y DU a'r Canllawiau ar gyfer Aelodau'r Bwrdd, rôl Bwrdd Trafnidiaeth Cymru yw:

- darparu arweinyddiaeth effeithiol; diffinio a datblygu cyfeiriad strategol a gosod amcanion heriol;
- sicrhau bod strategaethau yn cael eu datblygu i gyflawni amcanion Trafnidiaeth Cymru yn unol â'r polisiâu a'r blaenoriaethau a bennir gan y Cwmni mewn cydweithrediad â Llywodraeth Cymru a rhanddeiliaid perthnasol eraill, er enghraifft cyflogaion, cwsmeriaid a darparwyr cyllid;
- sicrhau bod Llywodraeth Cymru yn cael gwybodaeth reolaidd a llawn am unrhyw newidiadau sy'n debygol o effeithio ar gyfeiriad strategol Trafnidiaeth Cymru neu ar ei allu i gyrraedd ei dargedau, ynghyd â

gwybodaeth am y camau y mae angen eu cymryd er mwyn mynd i'r afael â newidiadau o'r fath;

- hyrwyddo safonau uchel o ran cyllid cyhoeddus, a chynnal egwyddorion rheoleidd-dra, priodoldeb a gwerth am arian;
- sicrhau bod gweithgareddau Trafnidiaeth Cymru yn cael eu cyflawni'n effeithlon ac effeithiol;
- sicrhau bod trefniadau bancio Trafnidiaeth Cymru yn addas at ei ddibenion;
- monitro perfformiad i sicrhau bod Trafnidiaeth Cymru yn cwrdd â'i nodau, ei amcanion a'i dargedau perfformiad;
- penodi uwch aelodau gweithredol ac anweithredol i Fwrdd Trafnidiaeth Cymru, gan gynnwys y Prif Swyddog Gweithredol, ond ym mhob achos, dim ond os ceir cadarnhad ymlaen llaw gan Lywodraeth Cymru;
- llunio a chyhoeddi amcanion llesiant Trafnidiaeth Cymru at y diben o sicrhau ei fod yn cyfrannu gymaint â phosibl at gyflawni nodau llesiant Deddf Llesiant Cenedlaethau'r Dyfodol (Cymru) 2015;
- sicrhau bod Trafnidiaeth Cymru yn ystyried cyfleoedd cyfartal wrth gymeradwyo polisïau a gwneud penderfyniadau; a
- sicrhau bod trefniadau effeithiol yn eu lle i roi sicrwydd am reoli risg, gan gynnwys diogelwch gwybodaeth, llywodraethu, archwiliadau mewnol, archwiliadau allanol a rheolaeth fewnol yn unol â gofynion statudol a rheoliadol perthnasol a lle bo'n berthnasol, Godau Ymarfer neu ganllawiau cwmnïau.

Penodi Cadeirydd Anweithredol Trafnidiaeth Cymru

Disgrifiad o'r rôl a manyleb y person

Rôl y Cadeirydd

Y Cadeirydd sy'n gyfrifol am arwain y Bwrdd a sicrhau ei fod yn cyflawni pob agwedd ar ei rôl yn effeithiol. Dylai hyrwyddo naws lle y gellir trafod a bod yn agored drwy helpu'r holl gyfarwyddwyr anweithredol yn benodol i gyfrannu'n effeithiol a sicrhau perthynas dda rhwng y cyfarwyddwyr gweithredol ac anweithredol.

Bydd unrhyw drafodaethau am gyfeiriad strategol y Cwmni rhwng Bwrdd Trafnidiaeth Cymru a Llywodraeth Cymru yn cael eu cynnal, mewn sefyllfa fusnes arferol, drwy'r Cadeirydd a bydd yn rhaid iddo sicrhau bod y cyfarwyddwyr eraill yn cael gwybod am gyfathrebiadau o'r fath.

Y Cadeirydd sy'n gyfrifol am bennu agenda'r Bwrdd ac am sicrhau bod digon amser i drafod pob eitem ar yr agenda, yn enwedig materion strategol.

Bydd disgwyl i'r Cadeirydd gyflawni ei ddyletswyddau, boed yn statudol, yn ymddiriedol neu'n ddyletswyddau o dan y gyfraith gyffredin, yn ffyddlon, yn effeithlon ac yn ddiwyd i safon sy'n briodol i swyddogaethau ei rôl ac i'w wybodaeth, ei sgiliau a'i brofiad.

Bydd yn arfer ei bwerau yn ei rôl fel cyfarwyddwr cwmni gan ystyried y rhwymedigaethau perthnasol o dan y gyfraith a rheoliadau sy'n bodoli ar y pryd, gan gynnwys Deddf Cwmnïau 2006, Cod Llywodraethu Corfforaethol y DU a rheoliadau a deddfwriaeth gysylltiedig.

Wrth ymgymryd â'i ddyletswyddau a'i gyfrifoldebau fel cyfarwyddwr cwmni, bydd y Cadeirydd yn gyfrifol am arwain ar y gwaith a ganlyn:

- llunio strategaethau Bwrdd Trafnidiaeth Cymru, gan sicrhau eu bod yn cydymffurfio â pholisïau a dulliau Gweinidogion Cymru, a bod nodau, amcanion a diwylliant y cwmni yn cyd-fynd â meini prawf allweddol y Llywodraeth megis Ffyniant i Bawb, Cynllun Gweithredu ar yr Economi a Deddf Llesiant Cenedlaethau'r Dyfodol;
- mentora aelodau'r uwch dîm gweithredol, ac yn enwedig y Prif Swyddog Gweithredol, i sicrhau eu bod yn deall eu rolau a'u cyfrifoldebau eu hunain yn llwyr, a sut y gallant wneud y defnydd gorau o Fwrdd Trafnidiaeth Cymru;
- sicrhau bod Bwrdd Trafnidiaeth Cymru, wrth wneud penderfyniadau, yn ystyried y gofynion rheoli statudol ac ariannol perthnasol a'r holl ganllawiau perthnasol, gan gynnwys unrhyw ganllawiau a ddarperir gan Lywodraeth Cymru;
- hyrwyddo'r defnydd economaidd, effeithlon ac effeithiol o staff ac adnoddau eraill;
- sicrhau safonau uchel o reoleidd-dra a phriodoldeb; a

- chynrychioli barn Bwrdd Trafnidiaeth Cymru i'r cyhoedd.

Bydd y Cadeirydd hefyd yn arwain ar:

- sicrhau bod holl gyfarwyddwr Trafnidiaeth Cymru yn llwyr ymwybodol o delerau eu penodiad a'u dyletswyddau, eu hawliau a'u cyfrifoldebau;
- sicrhau bod y Cwmni yn parhau i gydnabod ei fod yn gwasanaethu pobl Cymru a'i Llywodraeth etholedig. Nid yw'r cwmni yn nod ynddo'i hun ond yn hytrach yn fecanwaith i Weinidogion weithredu eu polisiau. Bydd angen i'r Bwrdd ac yn enwedig y Cadeirydd gydnabod a chefnogi'r Llywodraeth a'i Gweinidogion. O bryd i'w gilydd, bydd angen i'r Cadeirydd gael cyfeiriad gan Weinidogion ynghylch materion polisi;
- sicrhau ei fod, ynghyd â chyfarwyddwyr eraill Trafnidiaeth Cymru, yn cael yr hyfforddiant priodol, gan gynnwys ar ofynion rheoli ariannol ac adrodd cyrff cyhoeddus, ac ar y gwahaniaethau a allai fodoli rhwng arferion y sector preifat a'r sector cyhoeddus;
- sicrhau bod gan Fwrdd Trafnidiaeth Cymru y cydbwysedd priodol o sgiliau i gyfarwyddo busnes y Cwmni, ac i gynghori Llywodraeth Cymru ar unrhyw benodiadau i'r Bwrdd;
- rhoi gwybod i Lywodraeth Cymru am unrhyw newidiadau arfaethedig i strwythur neu aelodaeth y Bwrdd, a chael cymeradwyaeth ganddi;
- sicrhau bod cod ymddygiad ar gyfer Cyfarwyddwyr Trafnidiaeth Cymru yn ei le a'i fod yn cyd-fynd â'r Cod Ymddygiad Enghreifftiol ar gyfer Aelodau Bwrdd Cyrff Cyhoeddus yng Nghymru; y Cod Arferion Da (Chwefror 2017) fel y bo'n gymwys i Gyrff Cyhoeddus Hyd Braich Llywodraeth Cymru; a
- chyflwyno adroddiadau i Lywodraeth Cymru drwy Dîm Nawdd Trafnidiaeth Cymru.

Manyleb y Person

Bydd y Cadeirydd yn gallu cynnal safonau uchel o uniondeb a gonestrwydd. Bydd y safonau hynny'n berthnasol wrth lywodraethu'r Cwmni, gwneud penderfyniadau a rhoi sicrwydd am reolaeth ariannol ac wrth ystyried, hyrwyddo a diogelu rheoleiddra, priodoldeb, fforddiadwyedd, cynaliadwyedd, risg, a gwerth am arian ar draws y sector cyhoeddus; a chyfrifyddu'n gywir ac yn dryloyw o ran safbwynt ariannol a thrafodiadau'r Cwmni. Bydd yn rhaid iddo fedru sicrhau safonau uchel o uniondeb wrth reoli arian cyhoeddus.

Sgiliau allweddol, profiadau a chymwysterau gofynnol:

- Profiad fel cyfarwyddwr anweithredol, Ymddiriedolwr neu Aelod o Bwyllgor yng nghyd-destun y sector masnachol, gwirfoddol neu gyhoeddus;
- Enw da fel arweinydd a rhywun sy'n meddwl yn strategol yng nghyd-destun y sector masnachol, gwirfoddol neu gyhoeddus;
- Profiad helaeth o weithredu ar lefel uwch mewn capasiti strategol;

- Gwybodaeth weithredol gadarn o'r sectorau cyhoeddus a phreifat;
- Gallu i weithio mewn partneriaeth ac i reoli perthnasau;
- Gallu i feithrin a chynnal perthnasau cadarn a thryloyw gyda rhanddeiliaid allweddol;
- Dealltwriaeth dda a'r gallu i ddadansoddi; meddyliwr arloesol a'r gallu i ganolbwyntio ar faterion sydd angen eu datrys; a
- Sgiliau penderfynu cadarn i wneud penderfyniadau ar amrywiaeth o faterion.

Cymwyseddau ymddygiadol a rhinweddau gofynnol:

- Perspectif a gweledigaeth strategol a'r gallu i weithio'n bositif o fewn tîm;
- Cymhelliant ac ymrwymiad, a'r gallu i ddangos hyn oll i eraill;
- Sgiliau rhyngbersonol, cyfathrebu a thrafod da a'r gallu i ddatblygu partneriaethau effeithiol a chynaliadwy;
- Anhunanoldeb, uniondeb, gwrthrychedd, atebolrwydd, bod yn agored, gonestrwydd ac arweinyddiaeth (Egwyddorion Nolan);
- Deinamig, brwdfrydig a llawn egni;
- Cydnerthedd a'r gallu i sicrhau bod pethau yn digwydd;
- Parodrwydd i ymroi'r amser a'r ymdrech angenrheidiol;
- Parodrwydd i fod yn lysgennad i Trafnidiaeth Cymru;
- Arbenigedd rheoli ariannol a dealltwriaeth eang o faterion ariannol y sector preifat a chyhoeddus; a
- Dealltwriaeth dda o faterion llywodraethu cwmnïau.

Yr Iaith Gymraeg

Mae sgiliau yn y Gymraeg yn ddymunol ar gyfer y swydd hon.

Cydnabyddiaeth ariannol

- Telir £425 y dydd i'r Cadeirydd. Ystyrir bod y Cadeirydd yn ddeiliad swydd at ddibenion treth ac Yswiriant Gwladol. O'r herwydd, bydd y ffioedd a delir yn drethadwy o dan Atodlen E i'r Ddeddf Drethi a bydd gofyn talu cyfraniadau Yswiriant Gwladol Dosbarth 1. Didynnir y rhwymedigaethau hyn drwy system gyflogres Llywodraeth Cymru a'r ffi net a delir i ddeiliad y swydd. Ni fydd yn rhaid talu TAW ar y ffioedd.
- Gellir hawlio costau teithio ac unrhyw gostau rhesymol eraill a ysgwyddir wrth ymgymryd â gwaith Trafnidiaeth Cymru, a hynny yn unol â'r terfynau cydnabyddedig. Gallech hefyd fod yn gymwys i hawlio ad-daliad am gostau sy'n gysylltiedig â gofal plant/gofal yr henoed/gofalwr cynorthwyol, tra byddwch yn gweithio ar ran Trafnidiaeth Cymru.

Ymrwymiad Amser

5 niwrnod y mis, yn lleihau ar ôl chwe mis i 3 diwrnod y mis (48 o ddiwrnodau ar gyfer blwyddyn 1, yn lleihau i 36 o ddiwrnodau y flwyddyn wedi hynny).

Hyd y penodiad

Ysgrifennydd y Cabinet dros yr Economi a'r Trafnidiaeth sy'n penderfynu hyd y penodiad. Bydd yn para hyd at uchafswm o 3 blynedd gyda'r cyfle i estyn y swydd i 5 mlynedd.

Atebolrwydd

Mae'r Cadeirydd yn atebol i Ysgrifennydd y Cabinet dros yr Economi a Thrafnidiaeth, drwy Gyfarwyddiaeth Seilwaith yr Economi Llywodraeth Cymru, am gyflawni ei ddyletswyddau ac am ei berfformiad.

Pwy sy'n cael gwneud cais

Dylai ymgeiswyr fod yn bobl sy'n ymddwyn bob amser mewn modd a fydd yn ennyn hyder y cyhoedd.

Dylai ymgeiswyr fod yn ymwybodol bod Deddf Anghymwyso'r Tŷ Cyffredin 1975 neu Orchymynion a wnaed o dan Ddeddf Llywodraeth Cymru 2006 yn berthnasol.

Dylai ymgeiswyr nodi hefyd fod aelodau Trafnidiaeth Cymru yn cael eu hanghymhwyso rhag bod yn Aelod o Gynulliad Cenedlaethol Cymru, o dan Orchymyn Cynulliad Cenedlaethol Cymru (Anghymhwyso) 2015. <http://www.legislation.gov.uk/cy/uksi/2015/1536/contents/made>.

Gwrthdaro Buddiannau

Dylech nodi'n benodol fod gofyn ichi ddatgan unrhyw fuddiannau preifat a allai fod, neu y gellid dehongli eu bod, yn gwrthdaro â'ch rôl a'ch cyfrifoldebau fel Cadeirydd Bwrdd Trafnidiaeth Cymru, gan gynnwys buddiannau busnes neu swyddi o awdurdod y tu allan i'w rôl yn Trafnidiaeth Cymru.

Bydd unrhyw wrthdaro buddiannau yn cael ei drafod yn y cyfweiliad. Os cewch eich penodi, bydd yn ofynnol ichi ddatgan y buddiannau hynny adeg eich penodi a chânt eu cofnodi mewn cofrestr a fydd yn cael ei chyhoeddi ar wefan Treftadaeth Cymru.

Safonau mewn bywyd cyhoeddus

Bydd disgwyl ichi arfer safonau uchel o ran ymddygiad corfforaethol a phersonol. Gofynnir i bob ymgeisydd llwyddiannus gadw at God Ymarfer Aelodau Byrddau Cyrff Cyhoeddus. I weld y ddogfen honno, ewch i:

<http://www.bl.uk/aboutus/governance/blboard/Board%20Code%20of%20Practice%202011.pdf>.

Y broses ddethol

Bydd y panel cyfweld yn asesu CVs a datganiadau personol yr ymgeiswyr i benderfynu pwy, yn ei farn ef, sy'n bodloni gofynion y rôl orau a phwy ddylai gael ei wahodd i gyfweiliad. Bydd y panel yn dibynnu'n llwyr ar yr wybodaeth a ddarperwch yn eich CV a'ch datganiad i asesu a oes gennych y sgiliau a'r profiad sydd eu hangen. Gofalwch felly eich bod yn darparu tystiolaeth sy'n dangos sut yr ydych yn bodloni'r holl feini prawf hanfodol.

Bydd y panel dethol dan gadeiryddiaeth Simon Jones, Cyfarwyddwr Seilwaith yr Economi Llywodraeth Cymru a bydd hefyd yn cynnwys David Jones OBE, Prif Weithredwr Ardal Fenter Glannau Dyfrdwy, Geraint Davies CBE, Cyfarwyddwr Anweithredol Maes Awyr Caerdydd a Nicola Shaw CBE, Cyfarwyddwr Gweithredol y Grid Cenedlaethol.

Bydd ymgynghorydd recriwtio yn cael ei ddefnyddio i gefnogi'r broses ddethol ar ei hyd. Am ragor o wybodaeth am ddefnydd Llywodraeth Cymru o broseswyr data, gweler isod.

Mae proseswyr data yn bobl trydydd parti sy'n darparu elfennau o'n gwasanaeth recriwtio ar ein cyfer. Mae gennym contractau yn eu lle gyda'n proseswyr data sy'n golygu nad ydynt yn gallu defnyddio'ch wybodaeth bersonol heb ein caniatâd. Ni fyddant yn rhannu eich gwybodaeth bersonol gydag unrhyw sefydliad arall. Byddant yn ei chadw'n ddiogel am gyfnod a bennwyd gennym ni.

Gan ddibynnu ar nifer y ceisiadau a ddaw i law, efallai y bydd eich cais yn cael ei roi ar "restr hir" cyn iddo gael ei roi i'r panel sy'n llunio rhestr fer. Dylech fod yn ymwybodol ei bod yn bosibl na fydd eich cais yn cael ei ystyried yn llawn gan y panel cyfan mewn sefyllfa o'r fath.

Rydym yn rhagweld y bydd y panel wedi penderfynu yn ystod canol mis Tachwedd 2018 pwy fydd yn cael eu gwahodd i gyfweiliad ddiwedd mis Tachwedd 2018.

Dim ond yr ymgeiswyr cryfaf a fydd, ym marn y panel, wedi dangos eu bod yn bodloni'r meini prawf ym manyleb y person orau fydd yn cael eu gwahodd i gyfweiliad. Er hynny, os ydych wedi ymgeisio o dan y cynllun gwarantu cyfweiliad, a'ch bod yn bodloni'r meini prawf hanfodol ar gyfer y swydd, byddwch hefyd yn cael eich gwahodd i gyfweiliad.

Os cewch eich gwahodd i gyfweiliad ac os nad ydy dyddiad y cyfweiliad wedi'i ddarparu eisoes yn y pecyn gwybodaeth, byddwn yn ceisio rhoi cymaint o rybudd â phosibl ichi o ddyddiad y cyfweiliad. Os na fyddwch yn gallu dod i'r cyfweiliad a drefnir, byddwn yn gwneud ein gorau i ail-drefnu. Fodd bynnag, efallai na fydd hyn yn bosibl oherwydd y cyfyngiadau amser yn yr amserlen ar gyfer penodi, a bydd yn dibynnu hefyd ar argaeledd y panel dewis.

Bydd y system Penodi yn anfon e-bost atoch i roi gwybod ichi a fyddwch wedi cael eich gwahodd i gyfweiliad ai peidio. Ein bwriad yw cynnal cyfweiliadau yng Nghaerdydd.

Os byddwch yn cael eich gwahodd i gyfweiliad, bydd y panel yn eich holi am eich sgiliau a'ch profiad, gan ofyn cwestiynau penodol i asesu a ydych yn bodloni'r meini prawf a bennwyd ar gyfer y rôl.

Caiff yr ymgeiswyr sydd, ym marn y panel, yn 'benodadwy' eu hargymell i'r Gweinidogion, a fydd yn penderfynu'n derfynol ar y mater. Gallai'r Gweinidog ddewis cyfarfod â'r ymgeiswyr hynny cyn penderfynu. Bydd bwlch amser rhwng y cyfweiliad a'r penderfyniad penodi terfynol. Bydd yr ymgeiswyr a fydd wedi'u cyfweld yn cael yr wybodaeth ddiweddaraf am hynt y broses honno.

Os byddwch yn llwyddiannus, cewch lythyr yn eich penodi'n Gadeirydd Anweithredol Trafnidiaeth Cymru, a bydd y llythyr hwnnw hefyd yn cadarnhau o dan ba amodau y caiff y penodiad ei gynnig ichi.

Os na fyddwch yn llwyddiannus yn y cyfweiliad, bydd Llywodraeth Cymru yn rhoi gwybod ichi. Rydym yn gwerthfawrogi ei bod yn cymryd llawer o amser ac ymdrech i wneud cais am swydd a bod adborth yn rhan werthfawr o'r broses. O ganlyniad, bydd y llythyr yn cynnwys manylion ynghylch pwy y dylech gysylltu â nhw i gael adborth am eich cyfweiliad a'ch cais.

Ymholiadau

Os oes gennych gwestiynau ynglŷn â'ch cais, cysylltwch â'r Uned Penodiadau Cyhoeddus drwy anfon e-bost i PenodiadauCyhoeddus@llyw.cymru

Os nad ydych yn hollol fodlon

Mae Llywodraeth Cymru yn ceisio prosesu'r holl geisiadau mor gyflym â phosibl a thrin pob ymgeisydd yn gwrtais. Os ydych am gwyno am y ffordd y cafodd eich cais ei drin, cysylltwch â'r Uned Penodiadau Cyhoeddus drwy anfon e-bost i PenodiadauCyhoeddus@llyw.cymru